

三經同卷

思三

阿那邠邸化七子經

大愛道般涅槃經

佛母般泥洹經

阿那邠邸化七子經

後漢三藏法師安世高譯

陳

聞如是一時婆伽婆在舍衛國祇樹給孤獨園。爾時阿那邠邸有七子無篤信於佛法衆。彼不歸命。佛歸命。法歸命。比丘僧亦不改殺生。亦不改不與取。亦不改他婬。亦不改妄語。亦不改飲酒。爾時阿那邠邸長者告彼七子。言汝等今可自歸命。佛歸命。法歸命。比丘僧亦莫殺生。莫不與取。莫他婬。莫妄語。莫飲酒。皆悉莫犯。彼子作是語。我不堪任歸命。佛歸命。法歸命。比丘僧。莫殺不與取。他婬。妄語。飲酒。皆不堪任。阿那邠邸長者言。我當賜汝千兩金。汝等可歸命。佛歸命。法歸命。比丘僧。改莫殺生。不與取。他婬。妄語。飲酒。皆悉改之。

得安長者。彼七子緣是功德諸善功德。皆悉具足。諦聽彼七子所因功德諸善所獲果報。我今當說此。北方有國。城名石室。國土豐熟。人民熾盛。彼有伊羅波多羅藏。無數百千金銀珍寶。碑磲瑪瑙真珠。琥珀水精瑠璃及諸衆妙寶。彼捷陀賴國人。七歲中七月七日或

以祇盛抱戴隨其所欲皆悉費用然彼伊羅
鉢多羅藏無所減少若復長者彼七子及此
伊羅鉢多羅大寶藏彼七千兩金百倍千倍
百千倍無數倍皆悉不及汝七子所獲功德
長者復有國名迦陵渠有城名蜜繩羅穀米
豐熟人民熾盛彼有寶藏名般籌無數珍寶

思三

二

陳

金銀碑磲瑪瑙真珠水精琉璃珊瑚琥珀乃
至迦陵渠國人民七歲七月七日中隨意所
欲擔負多少無所減少然彼迦陵渠國無所
減少若復長者七子所有七千兩金及般籌
大寶藏於彼七千兩金百倍千倍百千倍無
數倍皆悉不及七子七千兩金所獲功德而

無與等復有長者鞞提師國城名須賴吒賓
伽羅大寶藏無數百千珍寶藏金銀碑磲瑪
瑙真珠琥珀水精琉璃於彼鞞提師國七歲
七月七日中隨其所欲擔負多少皆負持去
於彼賓迦羅寶藏無所減少若復長者七子
七千兩金及賓迦羅寶藏此七子七千兩金

百倍百千倍無數倍皆悉不及七子所獲功
德不可稱計復有長者迦尸國波羅柰城彼
有藏名蠟伽_龍無數金銀珍寶碑磲瑪瑙水
精琉璃真珠琥珀彼七子七千兩金及此蠟
伽大寶藏彼七子七千兩金所獲功德百倍
千倍百千倍無數倍不如也長者置此捷陀
越國人捨此迦陵渠人捨此鞞提施人捨此
迦尸人猶如此閻浮提十六大國男女大小
彼盡隨其所欲擔負取此四大寶藏金銀珍
寶碑磲瑪瑙真珠琥珀水精琉璃彼於七歲
七月七日中隨其所欲皆悉擔負持去彼四
大藏無所減少長者彼七子七千兩金及此

思三

三

陳

四大寶藏百倍千倍百千倍無數倍皆悉不
及是時世尊便說偈言

伊羅鉢捷陀 密繩及般籌 賓伽及須賴
螺伽波羅奈 如此四寶藏 種種珍寶滿
無數不相及 所作功德果
余時世尊與阿那邠邸說微妙法勸令勸喜

時阿那邠邸長者已從如來聞微妙法即從座起偏露右肩右膝著地叉手向佛白世尊言願世尊當受我請及比丘僧欲設甘饌飲食爲彼七子故時世尊默然受阿那邠邸請便退而去還家即其日施設甘饌飲食施設

甘饌飲食已即敷坐具爲佛比丘僧故而白時到今正是時願世尊臨顧是時世尊知時已到便著衣持鉢比丘僧前後圍遶入舍衛城詣阿那邠邸家即就座坐及比丘僧時阿那邠邸長者及七子便至世尊所頭面禮足在一面坐

時阿那邠邸長者白世尊言我有此七子各賜千兩金使自歸命佛歸命法歸命比丘僧使受五戒今願世尊與此等說法使我等七子於如來所使逮等見時世尊告阿那邠邸長者言如是長者如是長者時阿那邠邸長者見佛比丘僧坐定及七子以甘饌飲食而

供養之時阿那邠邸長者及七子甘饌飲食而供養之時阿那邠邸長者及七子甘饌飲食餽佛比丘僧見世尊食竟除去鉢時阿那邠邸長者便至世尊所頭面禮足在一面坐時彼七子如來與說微妙法而世尊知阿那邠邸七子至心聽法諸佛世尊常應所說法

苦集盡道時世尊與彼阿那邠邸長者七子說如是法各於座上諸塵垢盡無有瑕穢得法眼生彼已見法逮得深法無有狐疑亦無猶豫想得無所畏以解了如來深法自歸命佛歸命法歸命衆而受五戒時世尊與阿那邠邸長者及七子復重說法已便從座起而

思三

四

末

去是時阿那邠邸長者及彼七子聞佛所說歡喜奉行

阿那邠邸化七子經